



Broj: 03-16-8-1183-15/15
Sarajevo, 23.11.2015.

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama ("Službeni glasnik BiH" broj 39/14) i Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08), a na preporuku Komisije za nabavke iz Zapisnika o pregledu i ocjeni ponuda, broj: 03-16-8-1183-14/15 od 17.11.2015. u postupku nabavke usluga servisiranja kopir i faks aparata Parlamentarne skupštine Bosne i Hercegovine, Kolegij Sekretarijata Parlamentarne skupštine Bosne i Hercegovine, donio je

ODLUKU O IZBORU NAJPOVOLJNIJEG PONUDAČA

I.

Prihvata se preporuka Komisije za nabavke iz Zapisnika o pregledu i ocjeni ponuda broj: 03-16-8-1183-14/15, od 17.11.2015. i Okvirni sporazum za nabavku usluga servisiranja kopir i faks aparata Parlamentarne skupštine BiH dodjeljuje se prvorangiranom ponuđaču ALF-OM d.o.o. Banja Luka, čija ukupna cijena ponude za predmetnu nabavku (cijene efektivnog norma sata servisiranja kopir i faks aparata i cijene rezervnih dijelova) iznosi 1.935,06 KM sa PDV-om.

II.

(1) Izabrani ponuđač dužan je dostaviti dokaze o kvalificiranosti u pogledu lične sposobnosti u roku od 5 (pet) dana od dana prijema obavještenja o izboru najpovoljnije ponude, a prema tački 3.7. konkurentskog zahtjeva za dostavu ponuda za nabavku usluga servisiranja kopir i faks aparata Parlamentarne skupštine Bosne i Hercegovine.

(2) U slučaju da izabrani ponuđač propusti dostaviti dokaze o kvalificiranosti u navedenom roku ili dostavi dokaze suprotno članu 72. stav (3) tačka a) Zakona o javnim nabavkama, ova Odluka o izboru najpovoljnijeg ponuđača će se poništiti, te donijeti nova odluka o izboru najpovoljnijeg ponuđača čija je ponuda drugorangirana na rang listi vrednovanja prihvatljivih ponuda.

III.

Prijedlog Okvirnog sporazuma dostavit će se na potpis izabranom ponuđaču po isteku roka od pet dana, računajući od dana kada su svi ponuđači obavješteni o izboru najpovoljnije ponude pod uslovom da žalba nije uložena i nakon prethodno pribavljenog mišljenja Pravobranilaštva BiH.

IV.

Ova odluka objavit će se na web stranici ugovornog organa www.parlament.ba, istovremeno sa upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

V.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o nabavci usluga servisiranja kopir i faks aparata Parlamentarne skupštine Bosne i Hercegovine, broj: 03-16-8-1183/15 od 11.9.2015. Javna nabavka provedena je putem konkurentskog zahtjeva za dostavu ponuda. Procijenjena vrijednost javne nabavke iznosi 25.000,00 KM sa uračunatim PDV-om. Obavještenje o

nabavci broj: 166-7-2-6-3-2/15 je objavljeno 2.10.2015.godine na Portalu javnih nabavki, a istovremeno je upućen konkurentski zahtjev za dostavu ponuda na adrese pet ponuđača i to: Research Plus d.o.o. Ilidža, ZK Office d.o.o. Mostar, K-Inel d.o.o. Istočno Sarajevo, Alf-om d.o.o. Banja Luka i Facit d.o.o. Sarajevo. Komisija za nabavke imenovana je Odlukom Kolegija Sekretarijata broj: 03-34-1-1157/15 od 3.9.2015.godine.

Do termina zakazanog za predaju ponuda za ovu nabavku pristigle su četiri ponude i to:

1. ALF-OM d.o.o. Banja Luka, ul. Mladena Stojanovića broj 43-45, 78 000 Banja Luka
2. PRIMAPROM d.o.o. ul. Vidovdanska bb, 78 000 Banja Luka
3. FACIT d.o.o. Sarajevo, ul. Merhemića trg broj 4, 71 000 Sarajevo
4. SK TRADEING d.o.o. Sarajevo, ul. Zuke Džumhura bb, 71 000 Sarajevo

Komisija za nabavke je izvršila javno otvaranje ponuda i evaluaciju istih o čemu je sastavljen Zapisnik o pregledu i ocjeni ponuda, broj: 03-16-8-1183-14/15, od 17.11.2015. sa preporukom o izboru najpovoljnijeg ponuđača. Zapisnikom je konstatovano da ponuda firme Facit d.o.o. Sarajevo nije prihvatljiva za ugovorni organ zbog neispunjavanja uslova kvalifikacije u pogledu tehničke i profesionalne sposobnosti na način definisan konkurentskim zahtjevom za dostavu ponuda. Firma Facit d.o.o. Sarajevo dostavila je neovjerene kopije potvrda o uredno izvršenom ugovoru, što je bilo u suprotnosti sa dijelovima 3.3. i 4.2 konkurentskog zahtjeva za dostavu ponuda, u kojima je zahtijevana dostava potvrde u originalu ili ovjerenoj kopiji. U nastavku je konstatovano da su ponude firmi Alf-om d.o.o Banja Luka, Primaprom d.o.o Banja Luka i SK Tradeing d.o.o Sarajevo prihvatljive i mogu biti predmetom vrednovanja jer ispunjavaju sve formalno pravne i tehničke uslove, odnosno zahtjeve ugovornog organa definisane tenderskom dokumentacijom.

U toku evaluacije ponuda, Komisija je od Primaprom d.o.o Banja Luka zatražila ispravku računске greške, koja je prihvaćena, a od firmi Alf-om d.o.o. Banja Luka i SK Tradeing d.o.o. Sarajevo zatražila je obavezno objašnjenje neprirodno niske cijene ponuda, čije razloge niskih cijena ponuda je, na 5. sastanku Komisije, održanom 16.11.2015. prihvatila i uvažila.

Nakon vrednovanja prihvatljivih ponuda po utvrđenom kriteriju „najniža cijena“, Komisija je utvrdila sljedeći tabelarni pregled-rang listu prihvatljivih ponuda za ovu nabavku:

Ponuđač	Ukupna cijena ponude za predmetnu nabavku (cijene efektivnog norma sata servisiranja kopir i faks aparata i cijene rezervnih dijelova) sa uračunatim PDV	Rang
ALF-OM d.o.o. Banja Luka	1.935,06 KM	1 (prvi)
SK TRADEING d.o.o. Sarajevo	3.436,75 KM	2 (drugi)
PRIMAPROM d.o.o. Banja Luka	6.860,88 KM (nakon prihvata ispravke računске greške)	3 (treći)

Shodno navedenom, Komisija za nabavke preporučila je Kolegiju Sekretarijata (Zapisnik, broj: 03-16-8-1183-14/15 od 17.11.2015. u prilogu), da u postupku nabavke usluga servisiranja kopir i faks aparata Parlamentarne skupštine BiH donese Odluku o izboru najpovoljnijeg ponuđača za prvorangiranog ponuđača ALF-OM d.o.o. Banja Luka, čija ukupna cijena ponude za predmetnu nabavku (cijene efektivnog norma sata servisiranja kopir i faks aparata i cijene rezervnih dijelova) iznosi 1.935,06 KM (slovima: hiljadudevetstotinatridesetpet i 06/100 konvertibilnih maraka) sa uračunatim PDV-om.

Sa prvorangiranim ponuđačem Alf-om d.o.o. Banja Luka zaključit će se Okvirni sporazum za period od 24 (dvadesetčetiri) mjeseca u ukupnoj vrijednosti do 25.000,00 KM sa PDV-om. Za svaku naručenu uslugu servisiranja kopir i faks aparata zaključivat će se pojedinačni ugovori po cijenama iz

Ponude prvorangiranog ponuđača ALF-OM d.o.o. Banja Luka, broj: 0764/VS od 21.10.2015., a ukupan zbir cijena iz pojedinačnih ugovora neće preći prethodno pomenutu vrijednost Okvirnog sporazuma za navedeni period.

Kolegij Sekretarijata Parlamentarne skupštine Bosne i Hercegovine prihvatio je preporuku Komisije za nabavke da prvorangiranog ponuđača ALF-OM d.o.o. Banja Luka izabere za realizaciju Javne nabavke usluga servisiranja kopir i faks aparata Parlamentarne skupštine Bosne i Hercegovine, te odlučio kao u dispozitivu odluke.

Pravna pouka:

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata u pet originalnih primjeraka, najkasnije u roku od pet dana od dana prijema ove odluke.

Dostavljeno:

- ALF-OM d.o.o. Banja Luka, ul. Mladena Stojanovića broj 43-45, 78 000 Banja Luka
- PRIMAPROM d.o.o. ul. Vidovdanska bb, 78 000 Banja Luka
- FACIT d.o.o. Sarajevo, ul. Merhemića trg broj 4, 71 000 Sarajevo
- SK TRADEING d.o.o. Sarajevo, ul. Zuke Džumhura bb, 71 000 Sarajevo
- Sektoru za finansije
- sekretaru Komisije za nabavke Muhamedi Humačkić
- a/a

KOLEGIJ SEKRETARIJATA:

Aida Koristović _____

Bojan Ninković _____

Marin Vukoja _____